

წყალტუბოს მუნიციპალიტეტის საკრებულო

გ ა ნ კ ა რ გ უ ლ ე ბ ა № __

2022 წლის __ ოქტომბერი

ქ. წყალტუბო

წყალტუბოს მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურის მიერ 2022 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურის მიერ 2022 წლის I-II კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს წყალტუბოს მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურის ანგარიში 2022 წლის I-II კვარტალში გაწეული მუშაობის შესახებ.
2. წყალტუბოს მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურის მიერ 2022 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრამის ქ. №11).

მოამზადა:

აპარატის უფროსი

გელა თათარაშვილი

შეთანხმებულია:

იურიდიულ საკითხთა და ადამიანის უფლებების

დაცვის მეორადი სტრუქტურული ერთეულის ხელმძღვანელი

მაია ბერაძე

კომისიის თავმჯდომარე

ლევან ჩანქელიანი



ს ა ქ ა რ თ ვ ე ლ ო
წყალტუბოს მუნიციპალიტეტის მერია
G E O R G I A
CITY HALL OF TSKALTUBO MUNICIPALITY



წერილის ნომერი: 48-4822290163
თარიღი: 17/10/2022

ადრესატი: წყალტუბოს მუნიციპალიტეტის საკრებულო

წყალტუბოს მუნიციპალიტეტის საკრებულოს
თავმჯდომარეს ბატონ თეიმურაზ ჭეიშვილს

ბატონო თეიმურაზ,

გიგზავნით კულტურის, განათლების, სპორტისა და ახალგაზრდობის საქმეთა
სამსახურის 2022 წლის I-II კვარტლის ანგარიშს, გაწეული მუშაობის შესახებ.

დანართი 3 ფურცელი.

პატივისცემით,

გენადი ბალანჩივაძე

წყალტუბოს მუნიციპალიტეტის მერია-მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი



**წყალტუბოს მუნიციპალიტეტის მერიის კულტურის, განათლების, სპორტისა
და ახალგაზრდობის საქმეთა სამსახურის I-II კვარტლის ანგარიში გაწეული მუშაობის
შესახებ**

კულტურის, განათლების, სპორტისა და ახალგაზრდობის საქმეთა სამსახური წარმართავს საქმიანობას წყალტუბოს მუნიციპალიტეტში კულტურის, განათლების, სპორტისა და ახალგაზრდობის შემდგომი განვითარებისათვის.

კულტურის, განათლების, სპორტისა და ახალგაზრდობის საქმეთა სამსახურის ორგანიზებითა და ფინანსური მხარდაჭერით 2022 წლის I-II კვარტალში კულტურული, ახალგაზრდული და სპორტული პროგრამების ფარგლებში განხორციელდა სხვადასხვა აქტივობები:

- 2 იანვარს საქართველოს პრემიერ-მინისტრის ინიციატივით და წყალტუბოს მუნიციპალიტეტის კულტურის, განათლების, სპორტისა და ახალგაზრდობის საქმეთა სამსახურის ორგანიზებით წყალტუბოს ცენტრალური პარკის ტერიტორიაზე მოეწყო საახალწლო ღონისძიებები:
საახალწლოდ გაფორმებულ ჯიხურებში ადგილობრივი მეწარმეების მონაწილეობით გაიმართა საშობაო ხელნაკეთი ნივთების გამოფენა-გაყიდვა; მოეწყო საბავშვო გასართობი სივრცეები; განთავსდა ფოტო გადასაღები სტენდები; საზეიმო მსვლელობაში მონაწილეობდნენ ანიმატორები. თოვლის ბაბუას საჩუქრებმა პატარები განსაკუთრებით გაახარა.

მაყურებელთა წინაშე წარსდგნენ ფოლკლორული ანსამბლი „ნადური“ და საბავშვო საესტრადო ჯგუფები „ცისარტყელა“ და „ოცნება“.

ღონისძიება საზეიმო კონცერტით და ფოიერვერკით დასრულდა.

- 3 მარტს წყალტუბოს მუნიციპალიტეტის თვითმმართველობის პირველმა პირებმა დედის დღე მიულოცეს 2008 წლის აგვისტოს ომში დაღუპულთა გმირების დედებს.
- 8 მარტს მოეწყო შეხვედრა ა(ა)იპ „წყალტუბოს მუნიციპალიტეტის კეთილმოწყობისა და დასუფთავების“ თანამშრომელ ქალბატონებთან. მათ თვითმმართველობის პირველმა პირებმა სიმბოლური საჩუქრები გადასცეს.
- 21-22 მარტს მსოფლიო წყლის საერთაშორისო დღესთან დაკავშირებით წყალტუბოსა და ბაღდათის მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურებმა და ბაღდათის მუნიციპალიტეტის მერიის ტურიზმის განვითარების განყოფილებამ, ერთობლივი ორ დღიანი გაცვლითი ღონისძიებების ორგანიზება უზრუნველყო.

21 მარტს წყალტუბოს მუნიციპალიტეტის საჯარო და კერძო სკოლის მოსწავლეებს ბაღდათის მუნიციპალიტეტმა უმასპინძლა.

წყალტუბოელმა ახალგაზრდებმა მოამზადეს სხვადასხვა პრეზენტაციები თემაზე: „წყალტუბოს ისტორია“ „კარსტული მღვიმეები“ და „უნიკალური, სამკურნალო თვისებების თერმული წყალი“.

ოფიციალური შეხვედრის შემდეგ ახალგაზრდები კურორტ საირმეს ეწვივნენ. დაათვალიერეს სპა ცენტრი, საკურორტო პოლიკლინიკა და 4 ტიპის ბიუვიტის წყალი დააგემოვნეს. ასევე მოინახულეს ვლადიმერ მაიაკოვსკის სახლ-მუზეუმი.

- 22 მარტს წყალტუბოს მუნიციპალიტეტმა უმასპინძლა ბაღდათის მუნიციპალიტეტის ახალგაზრდებს. ვიზიტის ფარგლებში მათ „პრომეთე“ და „თეთრა“ მღვიმეები მოინახულეს, ასევე დაათვალიერეს წყალტუბოს წყარო N6 და გიორგი ახლვედიანის სახელობის წყალტუბოს მხარეთმცოდნეობის მუზეუმი. წყალტუბოს ღირსშესანიშნავი ადგილების დათვალიერების შემდეგ წყალტუბოს მუნიციპალიტეტის მერიის სააქტო დარბაზში გაიმართა ოფიციალური შეხვედრა და ახალგაზრდების დაჯილდოვება.
- 1 აპრილს წყალტუბოში მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურის ორგანიზებითა და საგანმანათლებლო რესურს ცენტრის მხარდაჭერით ჩატარდა ინტელექტუალური თამაში „რა? სად? როდის?“. ღონისძიებაში ჩართული იყო ქალაქის საჯარო და კერძო სკოლები. გამარჯვებულებს სიმბოლური საჩუქრები გადაეცათ.
- 14 მაისს წყალტუბოს ცენტრალურ პარკში ამფითეატრთან დისნეის ახალი სათავგადასავლო ანიმაციური ფილმის „ენკანტო“-ს ჩვენება გაიმართა, ღონისძიებას სხვადასხვა ასაკის ბავშვები ესწრებოდნენ.
- 18 მაისს წყალტუბოში აღინიშნა „ეროვნული სამოსის დღე.“ მოეწყო მსვლელობა, რომელშიც ჩართული იყო ადგილობრივი თვითმმართველობის წარმომადგენლები, საჯარო და კერძო სკოლები, ა(ა)იპ-ები და წყალტუბოს ადგილობრივი მოსახლეობა.
- 21 მაისს წყალტუბოში მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურის მხარდაჭერით ჩატარდა საერთაშორისო „ველოტური“, რომლის მიზანი იყო ჯანსაღი ცხოვრების წესის დანერგვა, ტურნირში მონაწილეობას იღებდა 14-მდე ქვეყანის 60 მონაწილე.
- 26 მაისს დამოუკიდებლობის დღისადმი მიძღვნილი ღონისძიებების ფარგლებში ჩატარდა სპორტული აქტივობები: მარათონის ტურნირი - წყალტუბოელი სპორტსმენების მონაწილეობით. მკლავჭიდის ტურნირი სხვადასხვა წონით კატეგორიებში, გოგონებსა და ვაჟებს შორის, რომელშიც მონაწილეობას ღებულობდნენ საჯარო და კერძო სკოლის მოსწავლეები. საპრიზო ადგილზე გასულ სპორტსმენებს გადაეცათ სიმბოლური საჩუქრები.
- 31 მაისს ჩატარდა გივი თალაკვაძის ხსოვნისადმი მიძღვნილი ტურნირი მძლეოსნობის ოთხ სახეობაში: 60-მ -ზე რბენი, ბირთვის ტყორცნა, ამანატრბენი და სიგრძეზე ხტომა. მონაწილეობდნენ საჯარო და კერძო სკოლების 2008, 2009, 2010 წწ. დაბადებულ გოგონები და ვაჟები. დაჯილდოვდა, როგორც ინდივიდუალური ასევე გუნდურ საპრიზო ადგილზე გასული სპორტსმენები.
- 1 ივნისს, ბავშვთა დაცვის საერთაშორისო დღესთან დაკავშირებით, გასართობი ღონისძიებები გაიმართა. ქალაქის ცენტრალურ პარკში, კულტურულ და შემეცნებით აქტივობებსა და ასფალტზე ცარცით ხატვით კონკურსში პატარები ხალისით ჩაერთნენ.
- 1 ივნისს, ქუთაისის ოპერის თეატრში საქართველოს ფოლკლორის 2022-ის შესარჩევი ტური ჩატარდება, სადაც მონაწილეობას ღებულობდა წყალტუბოს ხალხური სიმღერის ანსამბლი „ნადური“. ასევე ფესტივალზე წარმოდგენილი იქნება წყალტუბოს მუნიციპალიტეტში მოღვაწე ხალხური რეწვის და გამოყენებითი ხელოვნების ოსტატების ნამუშევრები.
- 5 ივნისს ც. პარკში ჩატარდა ახალგაზრდობის საერთაშორისო დღისადმი მიძღვნილი გლიტერ ფესტი“/„Glitter fest“. ახალგაზრდულ ფესტივალს უძღვებოდა მსახიობი, მომღერალი და წამყვანი, ლადო ჯანელიძე.

კონცერტი გახსნა როკ-ჯგუფმა „მიქსტურამ“, ასევე მონაწილეობდნენ ადგილობრივი ჰიპ-ჰოპ -ის მოცეკვავეთა ჯგუფები, რეპერი ზუკა ბადირეიშვილი იგივე „Big Z“, ფესტივალი დაასრულა Dj crystal –მა.

- 8 ივნისს ჩატარდა გიორგი გაბუნის „ღამის შოუ“-ს კონცერტი. ღონისძიება საკმაოდ მასშტაბური ფორმატით გაიმართა, წყალტუბომ 5000 მდე მაყურებელს უმასპინძლა.
- 10 ივნისს წყალტუბოს ცენტრალურ პარკში ს/დ „ივერიის“ მიმდებარედ საბავშვო ანიმაციური ფილმის „მონა“-ს ჩვენება გაიმართა, სადაც მოწვეული იყო სხვადასხვა ასაკის ბავშვები.
- 14-15 ივნისს ჩატარდა წყალტუბოში მოღვაწე წარმატებული სპორტსმენის სულიკო ნიქაბაძის ხსოვნისადმი მიძღვნილი სამოყვარულო მინი ფეხბურთის ტურნირი, სადაც მონაწილეობას ღებულობდნენ წყალტუბოს მუნიციპალიტეტის სხვადასხვა ადმინისტრაციული ერთეულის ფეხბურთის გუნდები. საპრიზო ადგილზე გასული გუნდს გადაეცა ფულადი ჯილდო.
- 16-17 ივნისს ჩატარდა შალვა ბზიკაძის ხსოვნისადმი მიძღვნილი რესპუბლიკური ტურნირი ძიუდოში, სხვადასხვა წონით კატეგორიებში. ტურნირში მონაწილეობა მიიღო 8 უნიციპალიტეტის 150 -მდე სპორტსმენი. საპრიზო ადგილზე გასულ სპორტსმენებს გადაეცათ სიმბოლური საჩუქრები.
- 17 ივნისს ინტელექტუალური კონკურსი „ეტალონი“, წყალტუბოს მუნიციპალიტეტის მერიის კულტურის, განათლების, სპორტისა და ახალგაზრდობის საქმეთა სამსახურისა და წყალტუბოს საგანმანათლებლო რესურსცენტრის მხარდაჭერით ჩატარდა, სადაც მონაწილეობა მიიღო წყალტუბოს საჯარო და კერძო სკოლის მოსწავლეებმა. 2022 წლის „წყალტუბოს ეტალონი მოსწავლე“ გახდა სსიპ მამუკა სამაკაშვილის სახელობის მეორე საჯარო სკოლის IX კლასის მოსწავლე.
- წყალტუბოს სამოყვარულო ფეხბურთის ორი გუნდი მონაწილეობას ღებულობს მასტერ ლიგის ჩემპიონატში.

რელიგიური ორგანიზაციების ხელშეწყობის ფარგლებში სამშენებლო სამუშაოები ჩატარდათ:

- ქ. წყალტუბო 9 აპრილის ქუჩაზე მდებარე ღვთისმშობლის მიძინების სახელობის ეკლესიას. რელიგიური ორგანიზაციების ხელშეწყობის ფარგლებში დაიხარჯა 10 000 ლარი
- ქ. წყალტუბო, ჭავჭავაძის ქუჩაზე მდებარე წმინდა ამბროსი ხელაიას სახელობის ეკლესიას. რელიგიური ორგანიზაციების ხელშეწყობის ფარგლებში დაიხარჯა 10 000 ლარი.
- წყალტუბოს მუნიციპალიტეტის, სოფელ თერნალში მდებარე ღვთისმშობლის შობის სახელობის ეკლესიის სამრეკლოს. რელიგიური ორგანიზაციების ხელშეწყობის ფარგლებში დაიხარჯა 10 000 ლარი.
- ქ. წყალტუბოში წმინდა გაბრიელ ეპისკოპოსის სახელობის სასულიერო გიმნაზიას ღობის სამუშაოებისათვის, რელიგიური ორგანიზაციების ხელშეწყობის ფარგლებში დაიხარჯა 10 000 ლარი.

კულტურის, განათლების სპორტისა და ახალგაზრდობის საქმეთა
სამსახურის უფროსი რიმა მარგიანი

